

10. oktober2019

UKA2019/36

Uunga siunnersuut: Arferit angisuut nunatsinnut pisassiissutaasartut tamakkerneqarneq ajornerat pillugu aammalu tamakkerlugit pisarineqannginnerannut aporfiusartut qanoq iliuuseqarnikkut piiarneqarsinnaanersut pillugu Naalakkersuisut nalunaarusioqqullugit peqquneqarnissaannik Inatsisartut aalajangiiffigisassaattut siunnersuut. Nalunaarusiaq kingusinnerpaamik UKA2020imi saqqummiunneqartussanngorlugu.

(Inatsisartuni ilaasortaq, Nikkulaat Jeremiassen, Siumut)

Arferit angisuut nunatsinnut pisassiissutaasartut tamakkerneqarneq ajornerat pillugu aammalu tamakkerlugit pisarineqannginnerannut aporfiusartut qanoq iliuuseqarnikkut piiarneqarsinnaanersut pillugu Naalakkersuisut nalunaarusioqqullugit peqquneqarnissaannik Inatsisartut aalajangiiffigisassaattut siunnersuut. Nalunaarusiaq kingusinnerpaamik UKA2020imi saqqummiunneqartussanngorlugu, Nikkulaat Jeremiassen-ip siunnerstaa Siumumiit imaattumik oqaaseqarfigissavarput.

Siunnersuutigineqartoq Siumumiit ilassilluarparput, tassami Nunatsinni arfattassat pisassiissutigineqartartut tamakkerlugit pisarineqartarnissaat pingaartikkatsigu Nunatsinnut nerissaqarniarnikkut inuuniarnikkullu annertuumik iluaqutigisaratsigit.

Siumumiit ilanngullugu oqaatigissavarput, pisariaqarluinnarmat arffernik angisuunik pisassat tamakkerlugit pisarinngitsoortarnerat sunik tungaveqarnersoq aammalu pissuteqarnersoq paasissallugit, naak soorunami ilaatigut naatsorsuutigisinnaagaluarlutigit suut pissutaasinnaasut.

Taamaattumik Siumumiit qulaajaasoqarnissaannik siunnersuut isumaqatigalugu tamakkiisumik taparserparput.

Jens Danielsen
Siumut